



Eitem Agenda 5

26 Mawrth 2010

WNC 12.10

Safbwyntiau Polisi Coetiroedd i Gymru: Coetiroedd Cymru - eu maint, eu natur a'u cymeriad

Pwrpas

1. Cyflwyno i'r Pwyllgor Cenedlaethol DDRAFFT terfynol Safbwynt Polisi coetiroedd Cymru sy'n cefnogi *Coetiroedd i Gymru* ar gyfer sylwadau a chymeradwyaeth.

Cefndir

2. Mae pwrpas a phroses datblygu Safbwyntiau Polisi i gefnogi Coetiroedd i Gymru wedi eu trafod a'u cytuno eisoes. Dangosir rhai o'r prif bwyntiau yn Atodiad 1. Wrth ystyried Safbwyntiau Polisi cynharach, mae'r Pwyllgor wedi darparu cyngor i wneud pwrpas a swyddogaeth y gyfres o Safbwyntiau Polisi yn fwy eglur. Cafodd hyn ei barhau yn yr enghraifft ddiweddaraf hon. Yn ogystal, dylai aelodau fod wedi derbyn enghraifft o Ddatganiad Safbwynt a gytunwyd o'r blaen, ar ffurf cyhoeddiad, sy'n dangos y cysylltiadau a'r gefnogaeth i *Coetiroedd i Gymru*.
3. Mae'r Safbwyntiau Polisi a ganlyn naill ai'n cael eu datblygu neu wedi eu cytuno. Mae camau llywodraethu allweddol wedi eu trefnu ar gyfer y safbwyntiau sy'n weddill trwy gyfrwng fframwaith Rhagolwg Bwrdd Rheoli/Pwyllgor Cenedlaethol Comisiwn Coedwigaeth Cymru yn ystod 2010:
 - Coetiroedd Cymru - eu maint, eu natur a'u cymeriad; **[cyflwynwyd]**
 - Dŵr a Phriddoedd **[cytunwyd Gorffennaf 2009]**
 - Bioamrywiaeth;
 - Tirwedd, diwylliant a threftadaeth; **[cytunwyd Tachwedd 2009]**
 - Datblygiad economaidd a menter;
 - Addysg, Dysgu a Sgiliau; **[cytunwyd Tachwedd 2009]**
 - Cyfranogiad Cymunedol; **[cytunwyd Medi 2009]**
 - Iechyd a lles **[cytunwyd Gorffennaf 2009]**

Cynnydd diweddar a'r Camau Nesaf

4. Y Safbwynt Polisi diweddaraf hwn yw'r mwyaf sylfaenol o'r holl safbwyntiau oherwydd maen ymwneud â'r holl adnodd coetiroedd yng Nghymru. Mae'n ceisio disgrifio a throsglwyddo nodweddion yr adnodd a'i les i'r cyhoedd NAWR ac wedyn mae'n nodi sut mae angen i'r adnodd newid (gan gynnwys helaethu) er mwyn cyflawni'r weledigaeth wrth wraidd *Coetiroedd i Gymru*. Felly, ni ddylai gynnwys unrhyw beth

Y Pwyllgor Cenedlaethol

annisgwyl, oherwydd mae'r holl safbwyntiau a ddatblygwyd wedi'u nodi eisoes yn y strategaeth ei hun. Ond, fel y nodwyd eisoes, mae'r Safbwynt Polisi'n darparu rhagor o fanylion ynglŷn â pham cafodd y safbwyntiau hyn eu mabwysiadu a sut y gellid eu cyflawni dros gyfnod y strategaeth. Mae hyn o gymorth i'r rhai sy'n datblygu rhaglenni corfforaethol.

- Hyd yma, ni chafwyd unrhyw gydlyn allanol ffurfiol ar y Safbwynt Polisi hwn, ar wahân i'r broses ymgynghori ei hun, a nododd y prif safbwyntiau. Fodd bynnag, trafodwyd y ddogfen yn ddwyochrol â nifer o gysylltau allanol ac mae'n fwriad gwneud hyn yn ffurfiol ar ôl y cyfarfod o'r Pwyllgor Cenedlaethol. Yn ogystal, gwahoddwyd aelodau o'r Bwrdd Rheoli i wneud sylwadau ar y DRAFFT TERFYNOL hwn ac maent wedi argymhell i'r Pwyllgor Cenedlaethol ei gymeradwyo.

Goblygiadau Ariannol

- Bydd fforddiadwyedd yn ei amlygu ei hun mewn dwy ffordd. Yn gyntaf, rhwng rhaglenni ('Faint') ac yn ail trwy gynllunio busnes ('Pryd'). Cyfrifoldeb y Cynlluniau Corfforaethol / Busnes yw cytuno ar ddyrannu'r adnodd hwn. Fodd bynnag, oherwydd ein hymdrechion i wella'r ymgynghoriad - o bolisi drwedd at gyflawni - mae angen i bawb sy'n ymwneud â phennu polisi neu ymgymryd â'r 'trosiad' corfforaethol gymryd materion adnoddau i ystyriaeth.

Dadansoddiad Risg

7.

Elfen Risg	Math o Risg: Economaid Enw Da Amg. a Chymdeithasol	Effaith / Tebygolrwydd Sgôr	Sgôr Risg	Rheolaethau
Nad ydym yn cael gwell ymgynghoriad strategol	Enw Da	5 / 3	15	Datblygu prosesau effeithiol
Nad yw'r 'allbynnau' yn ddefnyddiol	Enw Da	3 / 4	12	Datblygu prosesau effeithiol
Na chaiff yr 'allbynnau' eu defnyddio	Enw Da	4 / 4	16	Llywodraethu a rheoli pobl yn effeithiol
Sgôr Risg 0 – 5 Dibwys / 6 – 10 Isel / 11 – 20 Canolig / 21 – 25 Uchel				

Cyfathrebu

Y Pwyllgor Cenedlaethol

8. Cyhoeddir Safbwyntiau Polisi ar wefannau Llywodraeth Cynulliad Cymru a'r Comisiwn Coedwigaeth a chânt eu defnyddio gan y tîm Polisi wrth symud llawer o'r tasgau a nodir yn yr adrannau 'Agenda ar gyfer Gweithredu', yn ogystal ag ar gyfer datblygiad parhaus Cynllun Gweithredu *Coetiroedd i Gymru*

Argymhelliad

9. Gofynnir i'r Pwyllgor Cenedlaethol wneud sylwadau ar gynnwys DRAFFT TERFYNOL y Safbwynt Polisi hwn a'i gytuno.

Michelle van Velzen a Clive Thomas
Y Tîm Datblygu Polisi a Rhaglenni
Mawrth 2010

Atodiad 1

Agweddau allweddol ar Safbwyntiau Polisi i gefnogi *Coetiroedd i Gymru*:

- Mae'r Safbwyntiau hyn yn arf polisi ar gyfer nodi'r dystiolaeth fanwl a hefyd ar gyfer caniatáu gwneud peth dadansoddiad gofodol strategol (os yw'n berthnasol). Mewn gwirionedd, atodiadau i'r strategaeth ei hunan yw'r rhain, ac maen nhw'n helpu i gysylltu â'r Cynllunio Gweithredu sydd ei angen ar gyfer cyflawni'r Strategaeth
- Maen nhw'n delio â'r 'pam' ac yn cyflwyno'r 'beth a sut' trwy'r adran 'Agenda ar gyfer Gweithredu'. Maen nhw'n rhan hanfodol o ddatblygu'r sail resymegol ar gyfer ymatebion corfforaethol (rhaglenni) y Comisiwn Coedwigaeth i'r *Coetiroedd i Gymru* ddiwygiedig. Trwy ddatblygu'r Cynllun Gweithredu ar gyfer y strategaeth, byddwn yn ceisio dylanwadu ar bartneriaid cyflawni eraill i'w defnyddio mewn ffordd debyg. Gan hynny, prif gynulleidfa'r Safbwyntiau Polisi yw tîm Polisi Comisiwn Coedwigaeth Cymru, yn ogystal â chynulleidfa budd-ddeiliaid polisi / strategaeth/archwilio ehangach.
- Mae gan rai o aelodau'r Panel Ymgynghorol Strategaeth Coetir fewnbwn i'r gwaith penodol ar y Safbwyntiau Polisi, ac mae'r broses ehangach o ddiwygio'r strategaeth hefyd wedi dylanwadu ar eu datblygiad.
- Gan fod y Safbwyntiau Polisi hyn yn gefnogol i'r strategaeth *Coetiroedd i Gymru* ddiwygiedig, dylid eu cyflwyno felly.
- Bydd nifer o'r Safbwyntiau Polisi, ynghyd â Rhaglenni Corfforaethol Comisiwn Coedwigaeth Cymru a ddatblygwyd o'r 'Agendâu ar gyfer Gweithredu' o ddiddordeb ehangach yn allanol i fudd-ddeiliaid ac yn teilyngu cynhyrchu cyhoeddiad. Fodd bynnag, mae'r cyhoeddiadau hyn ar wahân i'r Safbwyntiau Polisi a'r Rhaglenni Corfforaethol.